

Perditga audiovisuala da la Svizra Rumantscha

Il disc cumpact Top Memoria da RTR vegn preschentà als Dis da litteratura a Domat

(cp) Il material d'archiv da RTR tanscha lunsch enavos. Ils 17 da schaner 1925 vegn emessa sin las undas dal Radio Beromünster l'emprima emissiuin en lingua rumantscha. 40 onns pli tard, 1963, è la premiera dal «Balcun tort», l'emprima emissiuin rumantscha da televisiun. Sin il nov disc cumpact Top Memoria ha RTR retegnì la lirica rumantscha cun las vuschs da poets e poetessas d'antruras che legian atgnas poesias. La preschentaziun dal disc ha lieu dumengia, ils 8-11-2009, 11.20, a chaschun dals Dis da litteratura a Domat.

Dapi che la televisiun da la Svizra tudestga, oz SF, ha cumenzà cun la produciuin d'emissiuns han la SRG SSR idée suisse e Radio e Televisiuin Rumantscha (RTR) produci ed archivà numerus documents audiovisuals. Tut en tut èn deponids actualmain en ils archivs da RTR da quai da 19 000 portatuns e cassetas da film che documenteschan il svilup da la Svizra Rumantscha – e dal chantun Grischun – en il decurs dals ultims quasi 100 onns. Cun l'ir dal temp crescha dentant il privel da betg pli pudair far die-

ver dals documents prezius. Per pudair segirar quels per il futur collavura il Radio Rumantsch (RR) gia davent dal 1995 cun Memoriav, l'Associaziun per il salvament da la cultura audiovisuala da la Svizra. La finamira è da copiar e documentar las emissiuins da radio ch'èn periclitadas fisicalmain. En collavuraziun cun Memoriav e cun l'Institut grischun per la perscrutaziun da la cultura ha RTR elavurà il «Project archiv RTR». En il decurs dals proxims onns è planisà da digitalisar la pli gronda part dals documents da tun e maletg che sa chattan en noss archiv.

Top Memoria

L'emprim disc da la seria Top Memoria è deditgà a la lirica rumantscha. 26 auturas ed auturs rumantschs ch'èn betg pli tranter nus legian lur poesias. Nus udin lur vuschs, ed automaticamain vesain nus era lur fatschas. Nus ans regurdain d'inscuters cun las personas, da lur ovras, da lur engaschament per lingua e cultura rumantscha.

Esther Krättli ha fatg la redacziun. Ella ha tschertgà en l'archiv, tadlà ils bindels magnetics e selecziunà ils documents da tuns ch'èn uss d'udir sin il disc cumpact Top Memoria, vol. 1.

Tut tenor interess èn planisadas en il decurs dals proxims onns ulteriuras produciuins da DCs cun material audiovisual or dals archivs da RTR.

Il disc cumpact Top Memoria, vol. 1 custa 25.– francs e po vegnir cumprà tar Radio e Televisiuin Rumantscha, Via Masans 2, 7002 Cuira, tel. 081 255 75 75 ubain era direct sin la pagina d'internet rtr.ch en la rubrica butia



Cover dal nov disc cumpact.